

حقوقی بیکسیر مجموعہ سی

آیدہ بر نشر اولتور

حاکمک وظائف و صلاحیتلری حقنده بعض ملاحظات

اسویچره قانون مدینسک اسویچرمده نشر و تطبیق اولدینی صرمده حقوق دارالفنون مدرسارندن موسیو آلفرد مارتن طرفندن ۱۹۰۹ سنه سنده یازیلان برتبعدن اقتباس ایدیلن آتیده کی سطرلری یکی تورک قانون مدینسک نشری مناسبتیه حائز اهمیت کوروله جکندن درجی مناسب کوریورز :

یکی قانون مدینک برنجی بابی حاکمک وظائف و صلاحیتلری فوق العاده توسیع ایدن بعض مواد عمومیه بی محتوی اولوب بولنری تطبیق و تفسیر ایله مکلف اولان حکامک درجه و قوف و لیاقتنه نظراً بونک نتایجی اینی و یا فنا اولابیلیر. بو خصوصده رفکر و برمک اوزره موضوعمه قانونک تفسیرینه دائر بر قاج سوز سولیکله باشلایه جغز .

قانونک برنجی ماده سنک ایلك فقره سنده : قانون، احکامندن برینک لفظ و روحنه تعلق و ارتباطی اولان کافه مواد وحداتی تنظیم و اداره ایلر دیه محرر در . ایمدی هر هانسی بر دعواده بر مسئله حقوقیه تحدت ایتدکده، دعوائی حل ایدمک اولان حاکم مسئلهده مدار تطبیق اولمسی لازم کلن احکام قانونیه بی تعیین ایتک مجبوریتده بولنور . اگر حادثه ، ماده قانونیه تطابق ایدمک بر شکل و ماهیتده ایسه حاکم دوچار مشکلات اولماز . زیرا بو حالده قانونک متنی دعوانک اساسی اولان حادثهیه تعلق ایتمش بولنور . آنجق حادثات حیات او درجه متنوع و متخالفدرکه اونلرک جهت حقوقیه بی متن قانونده بولق اکثریتله امکانسز اولور . بونکله برابر بو کی مسائلک صورت حافی یه قانون و بریسور . بونی بولق ایچونده قانونک و یا خود مواد و احکامندن برینک - روحی آکلامق - و تفسیر صورتیه مال و معناسی چیقارمق ایجاب ایلر . بواصول ایله حادثهیه تطبیق لازم کلن قاعده بی یه قانونده بولمش اولورز .

بوقاریده کی ماده دن، قانونک لفظیه روحک بربرینه مابین شیلر اولدینی و تفسیرک آنجق متک تماماً واضح اولمادینی احوالده واجب اولدینی نتیجه سی چیقارلملیدر . حاکم هر حال و کارده روح قانونی نظرندن دور طوتما ملیدر . اک بسیط و اک واضح مسائلده بیله ، تفسیرک استلزام ایتدیکی عملیه فکریهیه احتیاج واردر . زیرا اونلرده دخی خصوصی بر حادثهیه تطبیق لازم کلن قاعده نک تعیینی لازمدر .

برده حادثاتك تدقيق و مناقشه سندن حقوقى و قانونى وضعيتى استخراج ايتك ايجاب ايدر كه بو اكثر يتله مشكلجه در، اوندن صكره حاكمه ترتب ايدن وظيفه بو وضعيت حقوقيه و قانونيه يي حل ايدمك قاعده يي بولمقده در . بو قاعده بر ماده قانونيه ايله واضحاً افاده ايدلديكي حالده حاكم او ماده يي نذكر ايله اكتفا ايلر، ايشته برنجي ماده نك بحث ايتديكي لفظ قانوندن مقصد بودر. فقط هر زمان وضعيت بويه اولماز .

اكثر يتله حادثه يه قابل تطبيق اوله بيله جك قاعده آنجق قانونك برويا متعدد موادينك تدقيقى نتيجه سنده نطاهر ايلر. حاكم مواد مذكوره نك تطبيقى دلائيله قاعده يي كشف و استخراج ايلر .

پروفور موسيو اوژمن هوبر Eugene Huber قانون مدنيه دائر مجلسه تقديم ايلديكي راپورنده ديور كه: قانون متنعوعينى زمانده تفسيرينه نظراً تطبيق اولمليدر. تفسيردن مقصديمز قانونك مواد مخصوصه سيله برابر هيئت عموميه سنك تفسيريدر . هيئت عموميه سنك تفسيرندن احوال متشابهده قابل تطبيق بعض قواعد چيقار .

قانونك هيئت عموميه سنك تدقيقيله مفسر ، قانونده مصرح بعض قواعدك، عمومى ويوكسك بر پرئسنسيك نتايحي اولديني وبو پرئسنسيك قانونده مصرح اوليان ديكر بر طاقم قواعدى استلزام ايلديكى تميز ايلر . آنجق بو معنا و شموليله برابر تفسير، قانونك نقصانلرينى تلافى غايه سنى تعقيب ايلز تفسير آنجق قانوندن محتواسنى ، بتون پرئسيپلرى و نتايحنى استخراج ايلر .

شيمدى بوراده بر مسئله وارددر. اسكى بر قانونك مأل و معناسنى چيقارمق انجون مفسر. واضع قانونك نقطه نظرينه كوردمى، يوقسه حال حاضر ك افكار و احتياجانسه كوردمى حركت ايتمليدر، اوزون مدت مظهر قبول اولمش اولان و Savigny ساويني، de Windsheid ويندچايد كجى معروف ارباب حقوقك مدافعه ايلديكى فكر، تفسيرك قانونده مندمج اولان حكمت و ذهنيك تجديد و اعمالى اصولندن عبارت اولمسنه كوره مفسر واضع قانونك نقطه نظرينه و آنك جل و عباراته عطف ايلديكى معنايه كوره حركت ايلمى لازم كلديكى مركززنده ايدى. بو اجتهاده نظراً، قوانين واضع قانونك اراده سنك جمله افاده سيدر . مقاولاتك طرفين قاعدنينك اراده سنك جمله افاده سى اولدينى كجى، بوندن طولاييدر كه بو اجتهاد طرفدارانى بر قانونك تنظيمه تقدم ايدن بالجله مساعى استحضار يه، قوميسيونلرك مذاكراتنه، تشريعى مجلسلرده درميان اولسان افكار

وملاحظانه، راپورلره وسائره، مواد قاتونيهك منشائي، حكمت وماهيتي تنوير ايتك اعتباريله اهميت عظيمه ويررلر.

آنجق بو نقطه نظره بوكون مخالفت ايدلمكده وقانونك واضعك مقصد ونيتنه نظراً تفسير ايدلمك لازم كلديكي سرد و آيان ايدلمكده در. بو فكر طرفداراني نظرنده قانون، واضعك برآن معينه تجلي ايدن مقصد واراده سنك يراني اولمايوب بلكه خلقك دائمي اراده سنك جمله افاده سيدر.

دهموقراسيده بر قانون مرعي ايسه مجلس مليسي طرفندن فرضا الله سنه اول قبول ايدلمس اولمسندن دكل بلكه حالاً اراده عموميه موافق اولديغندن دولاي مرعي اوليور. بناءً على ذلك قانون اكر تفسيره محتاج ايسه بو تفسير افكار واحتياجات حاضره اساسي اوزرندن يا پائاسي وواضع قانونك ماضيده كي فكر ونيتنك ده قاله آلتاماسي لازم كلكدده در. بر جوق اسكي قانونلري اكر تنظيم ونشر اولندقلري زمانك روحنه نظراً تفسير ايتك لازم كلسه، مصيب بر معنا افاده ايتش اولمازلر. قانونك مقصد اساسيسي نظام حقوقي تي تعالي ايتيريرمك اولماسنه كوره حين نشرنده موجود اولمايان منافع مشروعه يي صيانت ايتلي در. بونجه ايسه قانونك تعديلي جهته كيدلمكسرين آنجق كنش بر تفسيريله الده ايديله بيلير. قانونك كندينه خاص وواضع قانوندن مستقل بر موجودتي واردر. بناءً عليه بر قانون ايجون تدقيقي هر حالده موجب استفاده ولمقدن خالي اولمايان مساعي استحضاريهك واضع قانونك فكر واراده سني تماماً بيلديرمك خادم اولديني ظن ايدلمه ملي در. خصوصيله قانونك نشري زماني اوزاق بر تاريخه مصارف بولنورسه، موسيو غمور Gmur فرانسه محكمه عاليه سنده بيوك بر موقع صاحبي اولان موسيو Ballot-Beaupré بالو-پوره كي ارباب حقوق بو نظريه يي سرد ايديلورلر. موسي اليه بالو-پوره فرانسز قانون مدنيسك يوزنجي سنه دوربه سنده اراد ايدليكي بر نقطه ده از جمله بونلري سويليور: متن قانون مغلق اولديني، معنا وشمولي حقه در ترددلر حصول بولديني، ديكر بر مثله قارشولشديني حالده معناسنك مناقض كورنديكي ويا تحديد ويا توسيع ايدلمك لازم كلديكي زمانلرده حاكمك كنش تفسير صلاحيتلريله مجهز اولسي ايجاب ايدر فكر نده يم. فلان ويا فلان ماده يي تنظيم ايدر كن واضعك بوز سنه اول بوندن مقصد ي نه اولديني مصرأ تحريه لزوم يوقدر، بو مادهك حال حاضرده او واضع طرفندن تنظيمي حالده مقصد مذكورك نه اوله جفني تعينه چالشميلدر. »

موسیو پول سپایزر Paul Speiser اسویجره ارباب حقوق جمعیتسک ۱۸۸۵ سنه سی هیئت عمومیه سند ایراد ایدلکی نطقده بو درجه ایلری کیتمه مکه برابر، تشریعی بر مجلسک اکثریت اعضاسنک ولو یکدیگرینه موافق اولان افکار و آرای شخصیه لری واضع قانونک مقصد و اراده سنی افاده ایتدیکنی سولشدن. زیرا بو مقصد و اراده آنحق بعض اشکال معینه داخلنده تجلی ایدر و بوندن شو نتیجه چیقارکه، مضبطه محررلریسک، متخصصارله قومیسینلرک افکاری واضع قانونک مقصد و اراده سیله قاریشدرلما لیدر.

اسویجره قانون مدینسه تطبیق ایجاب ایدن اصول تفسیر هانکیسیدر؟ واضع قانونک مقصد و اراده سنه کورده می یوقسه مسئله حقوقیه ک حدوتی آنده جاری افکاره نظر آمی تفسیر ایدلمی؟ قانونک یکی نشر ایدلمش اولسنه کوره حالا بو خصوصده مشکلات موجود دکلدر. فقط یکرمی اتوز سنه صکره ۱۹۰۷ سنه سنده کی واضع قانونک مقصدینی تحریری نه لزوم حاصل اوله جقمی؟ بونک ایچون اولا واضع قانونک کیم اولدیفنی تعیین ایتک لازمدر. اسویجره قانون اساسیسنک ۸۹ نجی ماده سی دیورده که:

حکومات متحده قانونلریله ارادات و مقرراتی آنحق هر ایکی مجلسک موافقت و قبولیه مرعی اولورلر. حکومات متحده قوانینی ۳۰ بیک و طنداش ویا سکر قانون طرفندن وقوع بولجق تکلیف اوزرینه خلقت تصویب ویا ردینه عرض اولنور.

بو صورته قوه تشریعیه ک اسویجره ده خلقه مودوع اولدینی کورلکده در. زیرا خلقدر که بر قانونک قبول ویا ردی حقنده قطعی قرارینی ویرمه ک بحق صلاحیتدار بولنور. بویه ره فهرانوم طلب ایدلکی زمان اراده ملیه ک تجلیسی علنی بر شکل آیر، عکس تقدیرده یو اراده ضمناً تجلی ایتمش بولنور. بر قانون حقنده ره فهرانومک طلب ایدیله بیه جکی مدت منقضی اولدقدن صکرده در که او قانون صورت قطعیده قبول ایدلمش عد اولنور. کورولیور که هر ایکی مجلسک قوه تشریعیه سی نسبی در. مع هذا بو قوتک استعمالنده بیوک مقیاسده مؤثر اولقدن خالی دکلدر، هر بری هر هانکی بر قانون لایحه سی کبی قانون مدنی مستقلماً مذاکره ایتمش و باجمله موادی حقنده مطابقت افکار حصول بولدینی کبی متن قانونده تعیین ایتمش بولندی. آنحق قانونک صورت قطعیده قبولی، طلب ایدلمه ین ره فهرانومه عائد مدتک انقضاسندن صکره واقع اولشدن. دیمک که اسویجره ده واضع قانون درجه اصلیه ده تشریعی مجلسلر و درجه نهائیه ده اسویجره خلقی در. ایتدی اسویجره ده واضع قانون نه صورته اراده سنی افاده ایلر. حکومات متحده مجلسلری مذاکره و رأی ویرمک، خلق ده یالکز اوت ویا خیر دیه بر رأی اعطاسی

صورتیله، خلق یالکزمتمن قانون حقنده رأیی ویرر یوقسه قانونک مساعی استحضاریه سی حقنده بیان مطالعه ایتمز. بنا برین بوندن واضع قانونک مقصدینی یالکزمتمن قانونده آرامق واونک خارجنده کی آثار استحضاریه یی نظره آلامق نتیجه سنی می چیقاره جغز؟ یوقاریده اسمی کچن موسیو اسپازره بو نتیجه واریورسده بو فکر بزجه مفرطانه کورنمکده وحادثاته قابل تألیف کورولمه مکده در. شبه سزدرکه واضع قانونک مقصدینی متن قانونده آراملی یز. فقط متنی آکلامق ایچوندده اکثریت احوالده مساعی استحضاریه، اسباب موجب مضطربانه قومیسونلرده جریان ایدن مذاکراته، مجلسلره تقدیم اولنان راپورلره وقوف کسب ایتمک لازمدر.

کرحه - مجلسلره حقنده کی حرمتمزه خلل کلمک شرطیله - شونی سویلیه بیلیرزکه تنظیم اولنان قانون مدنی هیئت عمومی جلسه سی مذاکراتدن زیاده مساعی استحضاریه محصولیدر. متحد مجلسلره منحصر آسویچرده قانون مدنی یی بتون قانتونلر ایچون توحید ایتمک فکر ومنصدینی تعقیب ایستکلری صورت واضحه ده افاده ایتمش اولدیلر. وبوغایه ایچون قومیسونلرک تکلیفاتی صورت عمومی ده قبول ایستیلر. اوراق بعض مستثنالردن صرف نظر تکلیف ایدیلن تعدیلات ده رده معروض قالمشدر. بناء علیه بر ماده حقنده واضع قانونک مقصدینی پارلمنتونک مذاکراتنده آرامق بیهوده در. اسویچره خلقنه کلنجه اوده پارلمنتونک اثرینی ضماً قبول وتصویب ایلمش فقط مفسره رهبر اوله جق بر فکر درمیان ایتمه مشدر. بوکا مقابل مساعی استحضاریه وخصوصیله مجلسلره ویرلن راپورلر (هویر روسل Huber Rossel، غوتوفرده Gottofory، هوفان Hoffman) طرفندن قانونی تفسیر ایتمک مجبوریتنده بولنه جق کسه لرجه دائماً تدقیقه شایان اوله جق وثائق عمومی دندر.

اسپازره رک فکری قبول ایدمک لازم کسه بر قانون لایحه سی واضع قانونجه بلا اعتراض قبول ایدسه بیله بو قبول کیفیتی اولایجه یی تنظیم ایدنلرک فکر ومقصدینی ده قبول وتصویب معناسه آلتامسی ایجاب ایدر وبوکا سببده واضع قانونک فکر ومقصدی یربسه اوندن غیری اشخاصک فکر ومقصدی قائم اولامیه جق در. بز بو فکرده دکلز. اوزون مدت وایچهدن اینجه یه مذاکره ومناقشه ایداش پروژلر اساسی اوزونده حقوق مدنی موادینی تنظیم ایدن یکی بر قانون قبول ایدلمش ایسه مفسرلر اوندن بر معنا استخراج ایتمک ایسته دکلری زمان بو قانونک مساعی حقوقیه سی وجوده کترین وقوه تشریعیه اهمیتسز بعض تفرعاتدن ماعدا تعدیلات کورمه یی مکمل بر پروژه تقدیم ایدن

کسه لرك ايضاحات و مطالعاتدن قيمتدار معلومات استحصال ايتلري نه صورتله منع اولنه بيلير؟ بو هم امكانسزدر عمده يالديني حالده تأسفله قارشولانمسي لازم كلير. بناء عليه اسويچره قانون مدنيسي حالا و استقبالا انجق مساعي استحضاريله دلايليله تفسير اولنه بيله جك و قانونك هيئت عموميه سيله مواد مخصوصه سنك معناسني ايجه آكلايه بيلمك ايچون واضع قانونك مقصد و اراده سني، توصيه ايتديكمز اصولي تميز و ادراكه تعقيب ايتك صورتيله تحري ايتك لازم كله جكدرك.

اوتوز سنه صكره قانونك فكر و مقصديني ايضاح ايچون حاكرك فرضا هو برك راپورلرينه فضله بر اهميت عطف ايتكي مناسب كورمز لر وفلان و يا فلان ماده نك معناسني كنديلري واضع قانون ايتش كي تقدير ايدرلر سه بوتمن اولنه جق ايني برشي دكلدر. بوكا مقابل حاكرك قانونده ضمناً و يا صراحة مندج اولان قواعددن ۱۹۰۷ ده تأمل ايديله مش و فقط قانونك تفسيرى آننده وجود بولش افكار و احتياجا ته تقابل ايدن تطبيقى استخراج ايد بيلير لر و ايتلي درلر. بر قانونك معناسني آكلامق ايچون كر چه اونى تنظيم ايدنك نقطه نظرينى كوز او كنده طوملى، انجق اونك بتون نتايج عمليه سندن استفاده ايد بيلمك ايچون حال حاضر ك احتياجا ت و تمايلاتى امكان داخلنده تطمين ايدنك اعجاب ايلر. بو مسئله يي ممنويت بخش بر صورتده حل ايدن واك جرئتكار تحديدا ت دن اور كمين ارباب حقوق دن موسيو Gény زه ني بو خصوصده ديور كه :

«واضع قانون مجرد بر صورتده تنظيم ايلديكي موادى حياتك تحولات و تقلياتيله آهنگدار قيلمق وظيفه سني مفسره ترك ايتك ايسته ديكي كذا ادعا ايديله مزى ؟

بو فكر كوزل اولقله برار بوكا اساس اوله جق پرنسيپي تماماً قبول ايتك قوانين مكتوبه نك قيمت و ماهيتنى انكار ديمك اولور. زيرا قانوندن مطلوب اولان امنيتك ادام سى انجق اونى احاطه ايدن چارچيوه نك زمان تطبيقى اعتباريله تعديلات و تحولاته دوچار اولماسيله قائمدر. بوكا مقابل ماده قانونيه نك شرائطى تحوله دوچار اولور سه بوكا تابع اولان حكم دخي بنفسه معدل اولور و مفسره اقدجه حائز اولديني معاندن غيرى بر معنا افاده ايلر. بر خصوص حقنده وضع ايديلن هر هانكي بر قاعده او قاعده ايچون واضع قانونك درپش ايتديكي احوال و شرائط دن بشقه بر وضعيته قابل تطبيق دكلدر.»

خلاصه اسويچره قانون مدنيسي تفسير ايد بيله جك اولان حاكم بو قانونده ضمناً و صراحة مندج بالجله قواعددن نتايج لازميه يي استخراج ايتكه غيرت ايتلدير. بنا برين واضع قانونك ملهم اولديني فكر و روح دن كنديسيده ملهم اوللدير. حاكم قانونك لفظك

اسیری اولمایه حق و قانونه حاکم اولان مقصد و اراده یه رعایت ایتمکه برابر قانونی دائماً تحول و تکامل ایدن جمعیتک احتیاجات مشروعه سه کوره تطبیق ایده جکدر .

قانونده بعضی نقصانلرک مرمر بر بنی مالنده ما ملک وظیفه سی زور ؟ سر بر بنی ترقیقات
شیمدی یه قدر و یردیکمز ایضاحات مسئله حقوقيه نك صورت حلی قانونك لفظ و روحنده موجود اولدینی احتماله کورده در . برده بو صورت حلك قانون طرفندن و یرمه دیکی احتمالی ده در پیش ایتك لازمدر . بر زمانلر قانونك بذاته مکمل بر اثر اولدینی ، قوانین مکتوبه نك ، حقوقك تکمل ایتش تجلیاتی ماهیتده بولندینی و قانونك نقصانله مترافق اوله مایه جنی نظریه سی حکم سور یوردی . تجربه بونظریه نك نه قدر یا کلس اولدینی کوستر مشدر . بو نظریه ایله قوانین مکتوبه و نظام حقوق بر برینه قاریشدر لمقده در . نظام حقوقك نقصانی یوقدر . مشروع منافعک محافظه و صیاتی بو نظامه مودوعدر . اک مکمل قانون ایسه هر شیئی احاطه ایده مز . نشر اولندقلرینی متعاقب صوك درجه ده مغلق و زنکین حادثات ایله محمول اولان حیات اجتماعیه ده واضع قانونك تخمین خارچنده قالان برچوق احوال ، مسائل و اختلافات ظهورایلر . ایشته نظام حقوقی بتون بو اختلافات و مسائله حقانیته موافق بر صورت حل بولمق مجبوریتنده در .

بو نقصانلر نه صورتله اکمال ایدیله جکدر !

قانون مدنی نك ایلمک ماده سنك ایکنجی فقره سی قابل تطبیق بر ماده قانونیه نك فقدانی حالده مفسرک بونی تلافی ایچون توسل ایده جکی ایکی نوع منبئی ذکر ایدیور . بری حقوق عرفیه ، دیکری سر بر بنی تدقیقات . بو ایکنجی تعبیر قانونده اولماقله برابر ایکنجی فقره نك محتوی اولدینی فکره تقابل ایده جک ماهیتده در .

موضوع بحثمز اولان نقطه نظره کوره بوراده حقوق عرفیه دن بحثه لزوم یوقدر . زیرا اسو بخره حقوق عرفیه سنك بر استقبالی اولدیغنه قناعتمز موجود دکلددر .

سر بر بنی تدقیقاته کمنجه ، حاکم بر برینه قاریشدر لمماسی لازم کلن ایکی حالده بوکاتوسل ایلر . برنجی ماده ده کورلدیکی وجهله حاکم مسئله حقوقيه یی نه قانونده ونده ده عرف و عادتده بولمادینی ، ایکنجی حالده حاکمه حق تقدیر بخش ایلین دردنجی ماده نك تصبیق لازم کلدیکی زمان :

بونلری تدقیق ایده لم : کرک قانون و کرک عرف و عادتله حل ایدیله میان بر مسئله قارشوسنده بولندینی زمان حاکم نه صورتله حرکت ایتلیدر ؟

ماده دیورکه: کنديسي واضع قانون اولسه ایدی بو مسئلهیه دائر نه کبی قواعد وضع ایدیه جک ایدیه اوکا کوره حکم ایدر. بو عبارده موسیو Ballot Beaupré باللو بو پرنک یوقاییده مذکور نقطهده سوبلیدیکی سوزلره موافقدر. حاکم فرضا یوز سنه اول قانونک فلان ویا فلان مادهسنی تنظیم ایدن واضع قانونک بوندن مقصدی نه اولدیغنی سؤال ایدیه جک یرده بو مادهلرک واضع قانون طرفندن شیمدی تنظیمی ایجاب ایتسه نه صورت وشکلده اولقی لازم کلهجکی دوشونسی لازمدر. محکمه تمیزک برنجی رئیس اولان مومیالیه واضع قانونک حال حاضردهکی نقطه نظرینه کوره حرکت ایتک خصوصندهکی حاکمک صلاحیتی، معناسنده مشکلاته تصادف اولنان بر متک تفسیری حالده تصویب ایتکده اولوب قانونمز ایه بو صلاحیت فوق العادهی حقوق عرفیه ایلله تلافی ایدلمه یں بر قانون نقصانک موجودتی شرطنه تابع طومتقهدر. حاکم احتیاجی اولوب قانونده موجود کورمیدیکی قاعدهی واضع قانون ایمش کی محاکمه ایتک مجبور ایتدهدر. یعنی حادثیه تطبیق موافق ومصیب اولان قاعده عمومیه یی تحری ایتکله مکلفدر.

مادهنک بو فتره سی بر قاچ سوزله درین بر فکری محتویدر. حاکمک سربستی حق تقدیری، کیفی بر تدبیر وقراره منجر اولماسی ایچون نفسی وعندی بر اساسه مستند اولمالی، حقوق مادیه ومثبته اساساته استناد ایتلیدر. بو حاکم کیجی احوال وشرايطک ومثلا مرحمت، نفرت ویا شخصی تمایلک تأثیری تحتنده کیفی وعندی قرارلر اتخاذ ایتهملی، بر واضع قانونک یاپهجنی کی حادثیه قابل تطبیق قاعده یی تثبیت و بیان ایتلیدر. سربستی تحری، حسی اجتهداته وسیله اولمالیدر. موسیو Gmür غمور بوکا دائر فکرنی شو شدتلی سوزلره سویلیور:

«وقوف قانونیلری آز اولان عدلیه منتسبلرمن طرفندن تطبیق ایدیه کلکده اولان حسی اجتهدات، کیفه وعندیانه وعدلیه مفایز مه سنک محوینه منجر اولابیلیر. اصول تفسیر اویره قتیف بر قاعده اعانه سیله مفید اوله بیلیر». بو سوزلر تام یرندهدر. آنجق فعلیاتده تمایلات وحساباتک تلقیناته اهمیت ویرمه جک ویا لکیز حقک سرت سستی دیکله یه بیله جک قاچ حاکم کوروله جکدر؟ هیچ شبهه سز، اویره قتیف بر قاعده اصول تفسیره لازمدر. آنجق مفسر بو اویره قتیف قاعده یی کندي کندي نفسی وشخصی نقطه نظرندن تفریق ایدیه بیله جکی؟ اونی ادعا ایتک بلکده جرئشکارلقدیر. هر نه حال ایه، کنديسی واضع قانون ایمش کی محاکمه یلتنن حاکم آلدانه بیلیر و آلدانقله بر حنه تجاوز ایدیه بیلیر. بناء علیه حکم وقرارینک، بو حکم وقرارله کندي کندي مقید کورمه یں دهه

یو کسک درجه‌لی بر محکمه‌یه عرضی لایددرد. برنجی ماده‌نک ایکنجی فقره‌سنک مالی ایجه آکلایه‌یلدک ایچون اوچنجی فقره‌نی ده بونکله برابر تأمل ایتمک ایجاب ایلر. «حاکم علمی اجتهدلر و قضائی قرارلرله تأیید اولنان صور حلیه‌دن ملهم اولور».

عدلیه‌نک ایلمک پروژه‌سی، علمی اجتهدلرله قضائی قرارلری، تفسیر ایچون قانون و عرف و عادتدن صکره اوچنجی بر منبع عد ایدیور ایدی. متن بویله ایدی: قابل تطبیق بر متن قانونیک فقدانی حالنده حاکم حقوق عرفیه‌یه کوره و بونک فقدانی حالنده دخی علمی اجتهدلر و قضائی قرارلرله کوره اتخاذ قرار ایلر. منابع مذکوره دخی موجود اولمادیغی حالده کنیدیسی واضع قانون اولسه ایدی تنظیم ایلمس اوله‌جینی قواعد کوره اعطای حکم ایده‌جکدر».

دیلمک که بو پروژه‌یه کوره حاکم علمی اجتهدلر و قضائی قرارلرله کوره حکم ایتمک مجبوریتده بولنیور ایدی. زیرا قانون متنک و حقوق عرفیه‌نک فقدانی حالنده حکمی قضائی قرارلرله و علمی اجتهدات‌ه ابتدا ایتدیرمک وظیفه‌سنی کنیدیسنه تحمیل ایدیور ایدی. بو خصوصده سربستی حق تقدیری غایت محدود اولیور ایدی. فی الواقع بعض احوالده عنعناتدن تخلص ایتمک ایجاب ایتمی؟ برده حاکمه قضائی قرارلرله او وقته قدر تعقیب ایتدیکی یوللردن بشقه بر یول تعقیبنه مساعده ایدلمه‌مکله نظام حقوقیک ترقیسی منع ایدلمس اولمازمی؟

بوندن طولاییدر که قانون حاکم علمی اجتهدلر و قضائی قرارلردن استفاده ایده. بیله‌جکمی دیلمکله اوکا بر امردن زیاده بر تلقین، بر نصیحت و یرمش اولیور. حاکم بوانی نصیحتی قانونی تفسیر حالنده ده، حقوق عرفیه‌نی تطبیق و یا سربستی تحریمی استعمال حالنده ده تعقیب ایتلیدر. یالکمز علمی اجتهد و قضائی قرارلردن مقصد نه اولدیغی آکلا. شلملیدر، واقعا علمی اجتهد، حقوقی مسائله اشتغال ایدن مؤلفینک فکر و اجتهدادی دیلمکدر. آنجق اجتهددن اجتهده فرق واردرد. و حاکم اونلره مطلقا اتباع ایتمی لازم کلسه ایدی اسانده علمک آرای مختلفه‌سندن برینی انتخابده بیوک مشکلاته دوچار و لمس اولاجقدی. آلمان متن قانونی‌سنده علمی اجتهدات تعبیینه. مجرب، موثوق صفتکده اضافه ایدلدیکنی کورسیورز. دیلمک حاکم زمانک و مناقشه‌نک تجربه‌سنه مقاومت ایتمس اجتهداتدن ملهم اولمیدر. ایتالیان متننده ده «دها معتبر» صفتی کوروروز. صاغلام اساسانه استناد ایدن شایان اعتبار بر اجتهد موجوددر. ایشته حاکم بونلره بیوک بر اهمیت

عطف ایلیدر. قانون کذا قضائی قرارلری عینی درجهده طوتیور . بونده دخی مختلف محاکم واونلرک ویردیکی مختلف قرارلر آراسنده هانکیسک انتخابی لازم کلدیکی موضوع بختدر . قضائی قرارلرک معتبرتی نسبی بر ماهیتی حائزدر . بدایت محکمه لری کندیلرندن یوکسک درجه لی محاکمک قرارلرینی نظر امعانه طوتفله اصابت ایتش اولورلر . ذاتاً بونی کندیلرینه بر صورت اهماکارانده توصیه ایتمه لزوم یوقدر . محکمه عالیه نک معلوم اولان قرارلرینه اتباع خصوصنده پک متایلدرلر . مع هذا قضائی قرارلرک غیر متبدل و غیر قابل تعدیل اولمادیغنی اونوتاماق کرکدر . خلاصه برنجی ماده نک صوک فقره سندن چیقان معنا و حکمت، ائی بر حاکم علمی اجتهادات ایله قضائی قرارلر وقوفی لازم اولمایددر .

ناقلی : آردفات نه . فرهی

مجله و اصول محاکمه

مجله و اصول محاکمه حقیقده مجموعه ده مدافعه ایندی کمز نظریه بی تنقیداً محترم اوقداشمز حسین کاظم بک طرفندن آتیده کی مطالعه بی آلدق :

مجله نک بیناته دائر احکام نک اصول محاکمه نک ۸۹ نجی ماده سنجه اقتباس ایدیلوب ایدلمدیکی یعنی بینات فصل نک ملغا اولوب اولمادیغنی خلیجه مناقشاتی موجب اولدی . واقعا یقینده موقع مرعیه وضع ایدیله جک اصول محاکمه حقوقیه ایله مسئله اساسندن حل ایدیله جک ایسه ده آواده کچه جک زمانلر طرفنده صادر اوله جق حکملرک ایلروده محکمه تمیزجه نقض ایدلمک احتمالی بولندیغندن مسئله نک حلی پک زیاده فائده لی اولسه کرکدر .

مجله نک و آنک بر جزوی اولان کتاب الیناتک ملغا اولدیغنی متفق علیه اولوب شو قدر که عجباً ۸۹ نجی ماده بینات فصلنه روح ویرمک قوتنه مالکمیدر؟ شوسؤالک جوابی مذکور ماده نک متندن پک قولایلقله استخراج ایده بیلیرز صانیورم؛ ماده ده خصوصلری مجله احکام عدلیه نک کتاب بیناته توفیق اولنور[دیور . دیمک که شهادت وسائریه عائد مسائلک اصول محاکمه نک زمان نشرنده مرعی بولان مجله نک کتاب الیناته